

Ekwo

Ezura

Sayirosu atụ ekemu gę ndu a kpuru lę ndzụ laphu azu
(2Iphe 36:22-23)

1 ¹O be l'apha kę mbụ, Sayirosu wataru aburu eze ndu Peshiya; Chipfu nwusaa Sayirosu, bu eze ndu Peshiya obu; o raa ozi arara l'ali-eze iya l'ophu; bya edekwapho ozi ono edede l'ekwo. Iphe ono buru g'ee-shi g'opfuo ono, Chipfu shi l'onu Jieremaya pfua ono vukota.

²Waa iphe, Sayirosu, bu eze ndu Peshiya pfuru baa:

“Chipfu, bu Chileke k'imigwe nukotawaru mu ali-eze, nokota lę mgbo-ko-a; bya asuwa mu gę mu kparu iya ulo lę Jierusalęmu ono, du l'ali Jiuda. ³Iphe, bukpuo onye kę Chileke, no l'echilabo unu; gę Chileke iya ono swikwaru iya okpobe eswiru. G'onye obu tugbuo lashia Jierusalęmu ono, du l'ali Jiuda je akpuo ulo Chipfu, bu Chileke kę izurelu; mbu Chileke ono, no lę Jierusalęmu. ⁴A -bya lę ndu phoduru nu l'eka-a ephe lwaru alwalwa-a; gę ndu ephe bu l'eka iya nkephe gude mkpola-ochaa; me mkpola-ododo yetaru phe eka; ephe anu phe ivu ozo, du iche iche; me iphe-edobe; mewaro iphe ozo, shi phe l'obu futu gephe gude je akpuo ulo Chileke lę Jierusalęmu.”

⁵Tobudu iya bu; ndu bugbaa ishi l'unuphu l'unuphu; l'ipfu Jiuda; me kę Benjaminu; me ndu-uke Chileke; me ndu Livayi; mbu iphe, bukpuo onye Chileke yeru iya l'obu tuko wulihu jeshia akpuo ulo Chipfu ono lę Jierusalęmu. ⁶Ndu obutobu phe gweru ivu mkpola-ododo me mkpola-ochaa nu phe gude yetaru phe eka; me ivu ozo, du iche iche; me iphe-edobe; me iphe, vugbaa okaswa; a -gufukwa iphe, shi phe l'obu futu, ephe nucharu phe.

⁷Eze, bu Sayirosu gwefutakwapho ivu ulo Chipfu ono, Nebukadineza shi gweta lę Jierusalęmu je edobe l'ulo agwa iya pho. ⁸O buru onye edobeje okpoga, epa iya bu Mituredatu be Sayirosu, eze ndu Peshiya shi l'eka iya gwefuta ivu ono. Onye ono woru iya gua ogo nu Sheshubaza, bu onye-ishi ndu Jiuda.

⁹Waa g'ivu ono ha baa:
 Gbamugbamu mkpola-ododo
 bẹ dū ụkporo l'iri;
 gbamugbamu
 mkpola-ọchaa dū
 ụnu labọ l'ụkporo iri;
 iphe, eegudeje akpọ
 ụnwù-isensu ọku,
 e meru lẹ mkpola-ọchaa
 dū ụkporo lẹ tete.

¹⁰Ochi, e meru lẹ
 mkpola-ododo dū
 ụkporo l'iri.
 Ochi, e gude
 mkpola-ọchaa mee,
 l'udu iya l'udu iya
 dū ụnu ochi l'ochi iri.
 Ụnwu ivu ozo, dughaa
 nū dū ụnu l'ụkporo iri.

¹¹Ivu, e meru lẹ mkpola-ododo; mẹ kẹ mkpola-ọchaa bẹ dū ụnu iri l'eto l'ụkporo iri. Ivu ono g'ọ ha bụ ivu, Sheshubaza gwelataru teke ndu ono, a kpuru lẹ ndzụ laa alị Bábilonu ono lwarụ Jierúsalemụ.

Ndu lwarụ nū lẹ ndu ono a kpuru lẹ ndzụ ono

2 ¹Waa ndu Ízurelu ono, shi l'alị Bábilonu lwa; mbụ ndu ono, a kpụ-
 jeru lẹ ndzụ laa alị ọzo, bụ iya bụ ndu Nebukadineza, bụ eze ndu
 Bábilonu kpụkojeru laa Bábilonu. Ephem lwarụ Jierúsalemụ; mẹ Jiuda;
 onyenonu lashichaa mkpukpu eka o shi. ²Ndu ephē tso lwa bẹ bụ Zerúba-
 belu; mẹ Jieshuwa; mẹ Nehemaya; mẹ Seraya; mẹ Relaya; mẹ Mòdekayi;
 mẹ Bilishanu; mẹ Misupa; mẹ Biguvayi; mẹ Rehumu; waa Bana.

Waa gẹ ndu Ízurelu ono ha bụ ọwana:

³Oshilokpa Paroshi bẹ dū
 ụnu ise l'ụkporo ụmadzu ẹsato;
 l'ụmadzu iri l'ẹbo.

⁴Oshilokpa Shefataya dū
 ụkporo ụmadzu iri l'ẹsato
 l'ụmadzu iri l'ẹbo.

⁵Oshilokpa Ara dū ụnu
 l'ụkporo iri l'ẹsato
 l'ụmadzu iri l'ise.

⁶Oshilokpa Pahatu-Mówabu,
 bụ iya bụ ndu shi l'eri

- Jieshuwa yẹle Jiowabu
 bẹ dọ ọnu ẹsaa l'iri l'ẹbo.
- 7 Oshilọkpa Elamu dọ ọnu
 ẹto l'umadzu ọkporo labọ
 l'umadzu iri l'ẹno.
- 8 Oshilọkpa Zatu dọ ọnu
 labọ l'ọkporo ẹsaa
 l'umadzu ise.
- 9 Oshilọkpa Zakayi dọ ọnu
 l'umadzu ọkporo iri l'ẹsato.
- 10 Oshilọkpa Bani dọ ọnu
 l'umadzu ọkporo ugbo iri
 l'ẹbo l'umadzu labọ.
- 11 Oshilọkpa Bebayi dọ ọnu
 l'umadzu ọkporo iri lẹ
 nanu l'onye lanu.
- 12 Oshilọkpa Azugadu dọ
 ọnu ẹto l'umadzu ọkporo
 l'ẹbo.
- 13 Oshilọkpa Adonikamu
 dọ ọnu l'umadzu ọkporo
 iri l'ẹto l'umadzu ishii.
- 14 Oshilọkpa Biguvayi dọ
 ọnu umadzu ise l'umadzu
 ọkporo labọ l'umadzu
 iri l'ise.
- 15 Oshilọkpa Adinu dọ ọnu
 l'umadzu ọkporo labọ
 l'iri l'ẹno.
- 16 Oshilọkpa Ateya, bọ iya
 bọ ndu shi l'eri Hezekáya bẹ
 dọ ọkporo ẹno l'umadzu iri
 l'ẹsato.
- 17 Oshilọkpa Bezayi dọ ọkporo
 umadzu iri l'ishii l'umadzu ẹto.
- 18 Oshilọkpa Jiora dọ ọkporo
 ise l'umadzu iri l'ẹbo.
- 19 Oshilọkpa Hashumu dọ
 ọkporo iri lẹ nanu
 l'umadzu ẹto.
- 20 Oshilọkpa Gibaru dọ ọkporo
 ẹno l'umadzu iri l'ise.

- 21 Unwoke, shi lẹ Bẹtulehemu
 bẹ dọ ọkporo ishii
 l'umadzu ẹto.
- 22 Ndu kẹ Netofa bẹ dọ ọkporo
 labọ l'umadzu iri l'ise.
- 23 Ndu kẹ Anatọtu dọ ọkporo
 ise l'umadzu ẹsato.
- 24 Ndu kẹ Azumavetu bẹ dọ
 ọkporo labọ l'umadzu
 labọ.
- 25 Ndu kẹ Kiriyaṭu-Jiarimu;
 mẹ Kefira; mẹ Berotu bẹ
 dọ unu l'umadzu ọkporo
 iri l'ẹsaa l'umadzu ẹto.
- 26 Ndu kẹ Rama yẹ Geba
 dọ unu l'umadzu ọkporo
 iri lẹ nanu l'umadzu ẹto.
- 27 Ndu kẹ Mikumashi dọ
 ọkporo ishii l'umadzu labọ.
- 28 Ndu kẹ Bẹtelu; mẹ Eyayi dọ
 ọkporo iri lẹ nanu
 l'umadzu ẹto.
- 29 Ndu kẹ Nebo dọ ọkporo
 labọ l'umadzu iri l'ẹbo.
- 30 Ndu kẹ Magubishi dọ ọkporo
 ẹsaa l'umadzu iri l'ishii.
- 31 Ndu kẹ Elamu oṣhunapho bẹ
 dọ unu ẹto l'ọkporo
 labọ l'umadzu iri l'ẹno.
- 32 Ndu kẹ Harimu dọ ọkporo
 iri l'ishii.
- 33 Ndu kẹ Lodu; mẹ Hadidi;
 mẹ Ono bẹ dọ unu l'umadzu
 ọkporo iri l'ishii l'umadzu ise.
- 34 Ndu kẹ Jieriko dọ ọkporo iri
 l'ẹsaa l'umadzu ise.
- 35 Ndu kẹ Senaa dọ unu tete
 l'ọkporo l'iri.
- 36 A bya lẹ ndu-uke Chileke:
 Oshilokpa Jiedaya, bu iya bu
 ndu shi l'onu-ulo ndibe
 Jieshuwa bẹ dọ unu labọ

- l'ukporo esato l'umadzu
iri l'eto.
- 37 Oshilokpa Ima du unu labo
l'ukporo iri l'ebo l'umadzu
iri l'ebo.
- 38 Oshilokpa Pasho du unu
eto l'ukporo labo
l'umadzu esaa.
- 39 Oshilokpa Harimu du unu
labo l'ukporo iri l'umadzu
iri l'esaa.
- 40 A bya le ndu Liviayi:
Oshilokpa Jieshuwa; me
Kadumelu, bu iya bu ndu
shi l'eri Hodavaya be du
ukporo eto l'umadzu
iri l'eno.
- 41 A bya le ndu aguje ebvu:
Oshilokpa Asafu be du
ukporo ishii l'umadzu
esato.
- 42 A bya le ndu anoduje eche
nche l'onu-abata
eze-ulo Chileke:
Oshilokpa Shalumu; me
oshilokpa Ateya; me
oshilokpa Talumonu;
me oshilokpa Akubu;
me oshilokpa Hatita;
me oshilokpa Shobayi;
be tukoru du ukporo ise
l'umadzu iri le tete.
- 43 A bya le ndu anoduje eje
ozi l'eze-ulo Chileke bu:
Oshilokpa Ziha; me
oshilokpa Hasufa;
me oshilokpa Tabayotu;
- 44 me oshilokpa Kerosu;
me oshilokpa Siyaha;
me oshilokpa Padonu;
- 45 me oshilokpa Lebana;
me oshilokpa Hagaba;

- 46 me oshilokpa Akubu;
 me oshilokpa Hagabu;
 me oshilokpa Shamulayi;
 me oshilokpa Hananu;
 47 me oshilokpa Gidelu;
 me oshilokpa Gaharu;
 me oshilokpa Reyaya;
 48 me oshilokpa Rezinu;
 me oshilokpa Nekoda;
 me oshilokpa Gazamu;
 49 me oshilokpa Uza;
 me oshilokpa Paseya;
 me oshilokpa Besayi;
 50 me oshilokpa Asuna;
 me oshilokpa Meyuni;
 me oshilokpa Nefisimu;
 51 me oshilokpa Bakubuku;
 me oshilokpa Hakufa;
 me oshilokpa Hahuru;
 52 me oshilokpa Bazulutu;
 me oshilokpa Mehida;
 me oshilokpa Hasha;
 53 me oshilokpa Bakosu;
 me oshilokpa Sizera;
 me oshilokpa Tema;
 54 me oshilokpa Nezaya;
 me oshilokpa Hatifa.
 55 A bya l'oshilokpa ndu
 ojozi Solomonu be bu:
 Oshilokpa Sotayi;
 me oshilokpa Hasoferu;
 me oshilokpa Peruda;
 56 me oshilokpa Jiala;
 me oshilokpa Dakonu;
 me oshilokpa Gidelu;
 57 me oshilokpa Shefataya;
 me oshilokpa Hatilu;
 me oshilokpa
 Pokeretu-Hazebayimu;
 me oshilokpa Ami.
 58 Ndu anoduje eje ozi
 l'eze-ulo Chileke

g'ephe ha; me oshilokpa
 ndu ojozi Solomonu
 be du ukporo iri le tete
 l'umadzu iri lebo.

⁵⁹Waa ndu ophu shi le mkpukpu Telu-Mela; me le mkpukpu Telu-Hasha; me le mkpukpu Kerubu; me le mkpukpu Adanu; me le mkpukpu Ima Iwa bu owana: O le ndu ono ta adudu ike goshi ipfu, ephe bu; me oshilokpa onye ephe bu; k'ophu ee-shi nno maru le ephe bua ndu Izurelu.
⁶⁰Oshilokpa Delaya; me oshilokpa Tobaya; me oshilokpa Nekoda be du unu l'ukporo iri lebo l'umadzu iri lebo.

⁶¹A bya l'oshilokpa ndu-uke Chileke: oshilokpa Habaya; me oshilokpa Hakozu; me oshilokpa Bazilayi; nwoke ono, luru nwada Bazilayi ke Giladu; a nodu ekuwa iya ro epa ala le epa iya. ⁶²Ndu ono be a choru epa phe lekwo, e deru ge gude nwushia phe; o le a ta humaduru epa phe lekwo ono. Oo ya bu; e wofu phe lonodu ndu-uke Chileke mee phe ephe buru ndu aaso no. ⁶³Ochi-oha bya asu g'ephe te tsojeshi ria nri, kakota adu no jeye teke onye uke Chileke, e-gude Urimu; waa Tumimu kpata ishi leka Chipfu.

⁶⁴Mkpako ndu ono, lwaru nu ono g'ephe ha du ukporo unu ise l'unu ise l'ukporo iri lesato;^a ⁶⁵a -gufukwa ndu-ozu phe unwoke; me unwanyi. Ndu k'ono du unu iri lesato l'ukporo ishii l'umadzu iri lesaa.^b Ephe nwekwarupho ndu aguje ebvu, du ukporo iri; unwanyi yee unwoke.

⁶⁶Inya phe du unu l'ukporo iri l'ishii; l'inya iri l'ishii; inya-mulu phe du ukporo iri lebo l'inya-mulu ise. ⁶⁷Inya-kamelu phe du unu l'ukporo l'iri l'ise; nkafu-igara du unu iri l'ishii l'ukporo iri l'ishii.^c

⁶⁸Ephe rwua l'ulo Chipfu le Jierusalemu; o duru ndu bugbaa ishi lonu-ulo lonu-ulo wotaru iphe, shi phe l'obu nu ge gude kpukwaa ulo Chileke ono go du g'oshi du. ⁶⁹Ephe meru g'ike phe beru woru mkpola-ododo, du ukporo unu ugbo esaa; l'unu iri lebo; l'ukporo iri; nu ge dobe l'ulo eku, ee-gudeje jee ozi ono; bya anu mkpola-ochaa, du ukporo unu ugbo ukporo l'iri le nanu; l'unu ise; bya anufua uwe ndu-uke Chileke, du ukporo ise.

⁷⁰Ndu uke Chileke; me ndu Livayi; me uphodu ndu ono; me ndu aguje ebvu; me ndu echeje onu-oguzo nche; me ndu anoduje eje ozi leze-ulo Chileke be buchaa le mkpukpu nkephe. Ndu Izurelu g'ephe ha bukwarupho le mkpukpu nkephe.

Aakpukwa oru-ngweja Chileke

3 ¹O rwua lonwa kesaa; ndu Izurelu toko g'ephe ha gude obu lanu dzukobe le Jierusalemu. Teke ono be ndu Izurelu bukotawaa le

^a 2:64 Bu iya bu 42,360 le mbekee. ^b 2:65 Bu iya bu 7,337 le mbekee. ^c 2:67 Bu iya bu nkafu-igara du 6,720 le mbekee.

mkpukpu ẹka ẹphe shigbaa. ²Tɔbudu iya bu; Jieshuwa, nwa Jiozadaku ẹphe l'unwunna iya, bu iya bu ndu-uke Chileke; me Zerubabelu, nwa Sheyalutiyelu ẹphe l'unwunna nkiya wulihu kpuaa ọru-ngweja Chileke ke Izurelu; k'ophu ẹphe e-gwe ngweja-akpo-oku l'eli iya; g'e deru iya lekwo-ekemu Mosisu, bu onye ke Chileke. ³Ẹphe kpua ọru-ngweja ono l'eli ẹka e shi tuhawa okpa iya; kele ẹphe atsū ndu ono, bu l'ali ono ebvu; bya egweeru Chipfu ngweja-akpo-oku l'eli iya; mbu ẹphe gwee ngweja ono l'utsu me l'uzenyashi. ⁴Ẹphe bokwapho Obo-Mkpū; ọo ya g'e deru iya lekwo; bya egwee ngweja-akpo-oku, eegweje mboku-mboku l'obo-iphe ono. Ngweja ono be ẹphe gweru ugbo ole, ekemu iya suru g'e gweje iya le mboku le mboku. ⁵E mecha; ẹphe bya egweaha ngweja-akpo-oku ono, eegweje tekenteke ono; me ngweja, eegweje l'obo onwa-afufu; me ngweja ọzo, eegweje l'obo-iphe e dobegbaaru Chipfu iche; mekwapho ophu onyemonye wotagbaaru iphe, o turu obu iya onyo nu Chipfu. ⁶E -shi le mboku mbu l'onwa k'esa ono be ẹphe wataru egwe ngweja-akpo-oku anu Chipfu. Obenu l'e teke atudu okpa eze-ulo Chipfu teke ono.

Aakpukwa eze-ulo Chipfu

⁷Ẹphe woru okpoga nu ndu akpuje ulo; me ndu kapyinta; woru nri; me iphe-angungu; me manu nu ndu Sayidonu; me ndu Taya k'ophu ẹphe e-shi l'ubvu ubvu Lebanonu vufutaru phe oshi sida leze-enyimu; mbu vufutaru phe iya le Jiopa, bu iya bu ge Sayirosu, bu eze ndu Peshiya kweru g'ẹphe vuta. ⁸L'onwa k'ebō l'apha, kwe apha labo, ẹphe byarwutaru l'ulo Chileke le Jierusalemu be Zerubabelu, bu nwa Sheyalutiyelu; me Jieshuwa, bu nwa Jiozadaku ẹphe l'unwunna phe ndu ophuna, bu iya bu ndu-uke Chileke; me ndu Liviayi; mewaro ndu ono, e shi kpua le ndzu, bu ndu ono, lwaru Jierusalemu ono bya atuko g'ẹphe ha wata ozi ono. Ẹphe hotagbaa ndu Liviayi, a -gbē le ndu nowaru ukporo apha kwaseru g'ẹphe buru ndu eleta enya l'ozī, eeje leze-ulo Chipfu. ⁹O buru Jieshuwa yee oshilokpa iya; me abubu iya; me Kadumelu yee oshilokpa iya, bu unwu Jiuda be bu ndu eleta enya l'ozī, eeje l'ulo Chipfu; mekwapho oshilokpa Henadadu; me ndu Liviayi, unwu phe unwoke me abubu phe.

¹⁰Ndu akpu eze-ulo Chipfu ono tūepho okpa iya; ndu-uke Chileke chita uwe uke phe yee; bya apagbaaru opu. Ndu Liviayi, bu unwu Asafu gudegbaa nkwa futu; ẹphe wata aja Chipfu ajaja l'uzo, Dévidi, bu eze ndu Izurelu toru phe okpa iya. ¹¹Ebvū nodu ada; ẹphe tuko ekwe iya ekwekwe aja Chipfu ajaja; ekele iya ekele asuje:

“O bu onye du ree.

N-yemobu iya l'anoje
 jasū le tuutuutuu le
 mijimiimii l'ehu
 ndu Izurelu.”

Ndu ono g'ephe ha tũko tũa oke Ƴzu gude jaa Chipfu ajaja; kele a tũru Ƴkpa Ƴlo Chipfu. ¹² Ƴle ikpoto ndu-uke Chileke; me ndu Lĩvayi; me ndu-ishi l'ipfu; mbũ ndu ono bũwaa Ƴgerenya ono, hũmahawaru Ƴlo ke mbũ pho be rarũ Ƴkwa rashĩa ya ike g'ephe hũmaru g'aatu Ƴkpa Ƴlo ono. Igwerigwe nõdu atũro Ƴzu Ƴhu-Ƴtso atũshi iya ike; ¹³ k'ophu bũ le ndiphe ta amadu Ƴphu bũ Ƴzu Ƴhu-Ƴtso; Ƴzo Ƴzu-Ƴkwa, ephe atu; kele Ƴzu tũkoeru-pho shwokobe atu ke wowoowoo; a nõdu Ƴzenya anũgbaa ya.

Ndu akpõshi g'a ta kpũ Ƴlo Chileke

4 ¹ Noo ya; ndu Ƴhogu ndu Jiuda yee ke ndu Benjiaminu nũmaephe le ndu ono, e shi kpũa le ndzũ ono akpũwa eze-Ƴlo Chipfu, bũ Chileke ke Ƴzũrelũ; ² ephe byapfuta Zerũbabelu; me ndu-ishi l'õnu-Ƴlo l'õnu-Ƴlo bya asũ phe: “G'anyi tsonũru unu yeta Ƴka kpũa Ƴlo ono; kele anyĩbedua abakwaru-a Chileke unu eja g'unubedua. Kele anyi shihawaa Ƴzenya gwe-ta ngweja anũ iya. Anyi shiro le teke Esahadõnu bũ eze ndu Asiriya; mbũ onye ono, duru anyi lwa Ƴka-a ono gweta ngweja õbu.”

³ Obenu le Zerũbabelu; me Jieshuwa; me ndu Ƴzo, bũ ishi l'õnu-Ƴlo l'õnu-Ƴlo le Ƴzũrelũ be suru phe: “O to dudu iphe, anyi l'unu jigba le k'akpũru Chileke anyi Ƴlo. Oo anyĩbedua nwẽkinyi anyi be a-kpũru Chipfu, bũ Chileke ke Ƴzũrelũ Ƴlo ge Sayĩrosu, bũ eze ndu Peshiya tũ-buru iya anyi.”

⁴ Oo ya bũ; ndu alĩ ono mee ndu Jiu tsũahaa ebvu; ephe tũ-gbee Ƴka l'akpũ Ƴlo ono. ⁵ Ndu ono je ebukoo ndu mkpaka g'ephe bya akpõshia iphe, ephe tũberu k'ememe. Ephe shiẽpho teke Sayĩrosu, bũ eze ndu Peshiya; kpakashĩa iphe, ephe eme gbiriri jasũ le teke Dariyõsu bũ eze ndu Peshiya.

⁶ O be teke Kuzakusẽsu bataru l'aba-eze; ndu Ƴhogu ono dee Ƴkwo gude epfu iphe, ephe suru le ndu bu le mkpũkpũ Jiuda meru; me ndu bu le mkpũkpũ Jierũsalẽmu.

⁷ O be teke Atakuzakuzẽsu bũ eze ndu Peshiya; Bishilamu; me Mituredatu; me Tabelũ; waa ndu Ƴzo, ephe l'ephe aswije; dee Ƴkwo-õzi nũ iya. Ƴkwo-õzi ono be e gude Ƴka-Ƴkwo ndu Arãmu dee; o bũkwarupho opfu alĩ ndu Arãmu be e gude dee ya.

⁸ O bũru Rehumu, bũ nnajĩõha; yee Shimushayi, bũ onye edeje Ƴkwo be deru Ƴkwo-õzi ono nũ eze Atakuzakuzẽsu gude pfubyishia ndu Jierũsalẽmu. Iphe, ephe deru l'Ƴkwo-õzi ono bũ:

⁹ “Ƴkwo-õzi Ƴwa shi l'Ƴka Rehumu, bũ nnajĩõha; me Shimushayi, bũ onye edeje Ƴkwo; waa ndu Ƴzo, ephe l'ephe aswije; mbũ ndu-ikpe; me ndu eze; me ndu-ishi ndu Peshiya; me ndu-ishi ndu Erekũ; me ndu-ishi ndu Bãbilõnu; me ndu-ishi ndu Susa, bũ iya bũ ndu Elamu; ¹⁰ mewaro iphe, bũ õhamoha ono, parũ Ƴka; bya enwegbaaru ẽnya ono, bũ ndu Ƴsunapa chĩshiru; ephe je ebugbaaru le mkpũkpũ le mkpũkpũ, du le Sameriya; me l'Ƴka Ƴzo, dũchaa l'azũ ẽnyimu.”

¹¹Waa iphe, e deru l'ime ẹkwo-ozì, ẹphe deru nù Atakuzakuzẹsu baa:
“Ẹkwo-ozì-a bẹ anyì ede anù gùbẹ eze Atakuzakuzẹsu.

“Ndu ede iya nù bụ ndu-ozì ngu; mbù anyìbẹ ndu onò, bu l'azù ẹnìyimu:

¹²“Gẹ gùbẹ eze makwarù lẹ ndu Jiu onò, bụ ndu shì ngu l'ẹka lwapfuta anyi-a bẹ jeshiwaru Jierúsalemù. Ẹphe akpùkwawa mkpùkpù onò, ekwefujẹ ike; bya abùkwaruphò mkpùkpù ẹjọ-ememe onò. Ẹphe akpù-phuwa igbulò iya azù; atùkwafuwa ọkpà iya. ¹³Iphe ọzò bụ gẹ gùbẹ eze makwarù l'a -kpùwa mkpùkpù onò; kpùwa igbulò iya bẹ ẹphe ta tùbaekwa útù alì ọzò; mẹ útù aswa; mẹ útù ụzò; shì nno mee g'ùzò, okpoga shì erwu ndu eze ẹka rwùhu. ¹⁴Eshì ọphù ọ bụ l'ìbẹ eze bẹ anyì shì erì nri; tẹmẹ ọphù ọ dudu ree g'anyi hùma ẹka eeme eze iphe-ìphere meru iphe anyì ezi ozi g'eze maru; ¹⁵k'ọphù bụ l'e -nyochaa ẹkwo, nna unu phẹ deshìru iphe, meru nù; unu ahùma l'ime ẹkwo onò lẹ mkpùkpù-a bụ mkpùkpù ekwefujẹ ike; emejekwaphò g'iphe tsù ndu eze l'ẹhu; mẹ iphe, bụkpoo alì-eze alì-eze; mbù l'ẹjọ-ememe onò bụkpowaa iphe, ẹphe shì teke dù ẹnà meta. Ọ bụrù iya meru iphe e mebyishìru mkpùkpù onò.

¹⁶Anyì eme gẹ gùbẹ eze maru l'a -kpùwa mkpùkpù onò; bya akpùwa igbulò iya bẹ ọ tọ dudu iphe, byaru e-shìkwadu l'azù ẹnìyimu erwu ngu ẹka ọzò.”

¹⁷Eze bya eyee ọnu sù:

“Mu ekele Rehumu, bụ nnajìohà ekele; bya ekelekwaphò Shimushayi, bụ onye edeje ẹkwo; mẹ ndu onò, bụ ndu ẹphe l'ẹphe aswìjẹ onò, bu lẹ Samériya; mẹ ndu ọphù bu l'ẹka ọzò, dù ìchẹ ìchẹ l'azù ẹnìyimu azù iya ọphuu.

¹⁸“Ẹkwo-ozì, unu nùru anyì bẹ a guwaru gbanwee l'atatiplu mu. ¹⁹Mu bya atùwaa ekemu; a bya enyochawa hùma lẹ mkpùkpù-a te emejedu iphe, ndu eze pfuru e -shì teke ndiche; mẹ l'ẹphe ekwefujẹ ike; eme gẹ ndu ọzò ta anọdujeshì eme iphe, ndu eze pfuru. ²⁰Tẹmanu; lẹ Jierúsalemù shì nweru ndu eze, ọkpèhu dù; tẹmẹ mkpùkpù dù igwerìgwe shì nọdu phẹ l'ẹka l'azù ẹnìyimu. E shì anọdujẹ atùru phẹ útù alì; mẹ útù aswa; mẹ útù ụzò. ²¹Nta-a bụ g'unu tùà ekemu sù gẹ ndu onò te jehẹkwa ozi onò, ẹphe ẹjẹ onò. G'ẹphe ta akpùekwa mkpùkpù onò ọzò jasù teke mu a-sù g'a wata iya akpùkpù. ²²Unu te ewekwa ozi onò gbẹgele gbẹgele; l'a taa aha-kwa iphe, emebyì iphe g'o vu evuvu ẹjẹ; shì nno emekata ndu eze.”

²³Tọbudu iya bụ; a guẹphò iphe onò, eze, bụ Atakuzakuzẹsu deru l'ẹkwo-ozì onò, o deru nù Rehumu; mẹ Shimushayi, bụ onye edeje ẹkwo; mẹ ndu ẹphe l'ẹphe aswìjẹ onò; ẹphe mekebe ẹgwegwa jẹpfushia ndu Jiu onò, nọ lẹ Jierúsalemù onò; jẹ ekebuta phẹ k'ìkẹ; g'ẹphe te ẹjẹhẹ ozi onò, ẹphe ẹjẹ onò.

²⁴Noo ya; ozi onò, e gude l'ẹka ẹjẹ l'ùlò Chileke lẹ Jierúsalemù onò; kwaa g'o jẹberu; ọphù e tee jehẹdu iya jẹyẹ o rwua l'apha, kwe Dariyọsu, bụ eze ndu Peshiya apha labọ, ọ watarù abùru eze.

Aakpuphu eze-ùlò Chileke azù lẹ Jierúsalemù

5 ¹Tọbudu iya bụ; ndu mpfuchìru Chileke, bụ Hagayì yẹlẹ Zekà-raya nwa Ido bya awata epfu opfu Chileke nùaha ndu Jiu, bu lẹ

Jierúsalemu; mē l'alī ndu Jiuda; mbū l'ēphe gude ēpha Chileke kē ndu Ízurelu, pfuaharu phē iya. ²Qo ya bụ; Zerúbabelu nwa Sheyalutiyele; yē-le Jieshuwa, bụ nwa Jiozadaku wata akpū ụlo Chileke ono; mbū ụlo ophu dū lē Jierúsalemu. Ndu mpfuchiru Chileke tsokwaru phē phọ eyetaru phē ēka.

³Q buru teke ono bē Tatenayi, bụ ochi-ōha ndu bu l'azū ẹnnyimu; mē Sheta-Bozenayi yēle ndu ēphe l'ēphe aswije wū-pfutaru phē bya asū phē: “?Bū onye karū unu g'unu kpūa ụlo-a dozia?” ⁴Ephe jikwaa phē phọ sū: “?Bū gūnu bụgbaa ēpha ndu ono akpū ụlo ono?” ⁵Qle Chileke bē nwūberu ndu bụ ogerenya ndu Jiu ono ẹnnya; k'ophu bụ lē ndu ono ta akpōshiduru phē eje ozi, ēphe eje; jeye teke opfu ono rwuru Dariyōsu lē nchī; o dee ēkwo-ozī nū g'abya akarū phē ọnu ya yeru lē k'opfu ono.

⁶Qwaa bụ iphe, e deru l'ēkwo-ozī ono, Tatenayi, bụ ochi-ōha ndu bu l'azū ẹnnyimu deru; yēe Sheta-Bozenayi; mē ndu ēphe l'ēphe aswije, bụ ndu nọ l'oke-ōkwa, bu l'azū ẹnnyimu; mbū ēkwo-ozī ono, ēphe deru nū eze Dariyōsu. ⁷Ekwo-ozī ono, ēphe deru nū iya ono bē e deru sū:

Ekwo-ozī-a bē anyi ede anū gūbe eze Dariyōsu. Anyi ekele ngu ekele!

⁸Qwaa bụ gē gūbe eze maru l'anyi jeru l'ēka ndu Jiuda bu. Anyi jeshia l'ulo Chileke ono, bụ onye parū ēka ono; bya ahūma lē ndu ono gudewaa mkpuma, ha shii akpū ụlo ono; ēphe zūbechaa eze-itso l'ime igbulō ono. Ephe yeru ēhu l'ozī ono; ọ nōdu eje ēgwegwa ēgwegwa l'ēka phē.

⁹Anyi jīa ndu ophu bụ ogerenya ndu Jiuda ono sū phē: “?Bū onye karū g'unu kpūa ụlo ono dozia?” ¹⁰Anyi bya ajikwaa phē phọ ēpha phē; k'ophu anyi e-de ēpha phē ono edede nū ngu g'ī maru ndu-ishi ozi ono.

¹¹Qwaa bụ ọnu, ēphe yeru anyi: “Anyi bụ ndu-ozī kē Chileke, nwe igwe; nweru alī. Anyi akpūkwa ụlo ono, a kpūhawaru teke dū ẹnnya ono; mbū ụlo, onye eze ndu Ízurelu ono, parū ēka apaa ono kpūjeru kpū-tse ono. ¹²Q buru l'ọ lē nna anyi phē kpatsuru Chileke k'imigwe ēhu-eghu meru g'o gude o woru phē ye l'ēka Nebukadineza, bụ eze ndu Bábilonu; mbū onye Kaludiya ono, bụ iya mebyishiru ụlo-a bya achīta ndu alī-a chī-ru lashīa Bábilonu. ¹³Q buru iya bụ l'o rwua l'apha, kwe Sayīrosu, bụ eze ndu Bábilonu apha lanū, ọ watarū abūru eze; ọ tūa ekemu; mbū eze, bụ Sayīrosu g'a kpūkwa ụlo Chileke ono. ¹⁴Ivu, e meru lē mkpōla-ododo; mē ndu ophu e meru lē mkpōla-ōchaa dobe l'ulo Chileke, bụ iya bụ ono, Nebukadineza gwetajeru l'eze-ulo ono, dū lē Jierúsalemu je edobe l'eze-ulo agwa ndu Bábilonu bē bụ eze bụ Sayīrosu ono l'onwiya jeru egweta iya l'eze-ulo agwa ndu Bábilonu ono. Eze Sayīrosu gwerū ivu ono ye l'ēka onye eekuje Sheshubaza; onye o meru ochi-ōha; ¹⁵bya asū iya: ‘Gweta ivu-a gwerū je edobe l'eze-ulo, dū lē Jierúsalemu. Ozo bụ g'a kpūkwa ụlo Chileke g'ọ nōdu-phu azū l'ēka ọnohawa.’ ¹⁶Nokwa iya bụ lē Sheshubaza abya atūa ọkpa ụlo Chileke lē Jierúsalemu. Eshi teke ono bya eye nta-a bē e shi kpūta iya; ophu a kpū-gheduru iya.”

17“Oo ya bu; o -buru l'o du gube eze ree; i haa g'a vochaada ulo aka akwakobeje iphe ndu eze deru le Babilonu l'eka ono g'a maru; ?bua eviya leze, bu Sayirosu turu ekemu su g'a kpukwaa ulo Chileke, le Jierusalemu. Ge gube eze ezilatakwanuru anyi iphe, i chi-taru l'idzu l'obu ngu l'opfu-a.”

A choru ekemu, eze, bu Sayirosu turu chota

6 1Tobudu iya bu; eze, bu Dariyosu bya atua ekemu; e tsoru ulo aka akwakobeje iphe vochaaha le Babilonu; mbu aka a kuberu ekwo, e deshuru iphe, meru l'ali ono. 2O buru le mkpukpu Ekubatana, bu ishi mkpukpu ndu Midiya be a vofutaru ekwo, a phuru aphupu.

Iphe, e deru lekwo ono be suru:

3“Lapha ke mbu, Sayirosu wataru abu eze be o turu ekemu g'a kpu ulo Chileke ono, du le Jierusalemu; su g'a kpukwaa ulo ono, bu aka aanoduje egwe ngweja; mbu g'a tukwaa okpa iya atukwa. G'oo-habe l'eli aburu ntu-okpa ukporo eno l'iri; mgbureku iya adu ntu-okpa ukporo eno l'iri.

4Aakpopfube iya mkpuma, ha shii uzi eto; aapfube iya itso lanu. Ugwo iya be ee-shi l'ulo eku ndu eze pfua. 5Ozo bu; ivu, e meru le mkpola-odo; me ke mkpola-ochaa, bu ophu Nebukadineza shi leze-ulo ono, du le Jierusalemu ono gweta je edobe le Babilonu; g'e gwetakota iya je edobe-phu azu l'eka o shi du leze-ulo ono.

6“Oo ya bu ge gube Tatenayi, bu ochi-oha l'azu enyimu; me Sheta-Bozenayi; me ndu unu lephe aswiye, bu ndu no l'oke-okwa tuko g'unu ha buru ubara yeru aka ono. 7Ba adukwa g'unu ha onye e-je akposhi ozi ono, eeje l'ulo Chileke ono. Unu haa g'ochi-oha ndu Jiu; me ndu bu ogerenya ndu Jiu kpukwaa ulo Chileke ono g'o pfuru l'onodu iya. 8Ozo bu le mu atu ekemu iphe, unu e-meru ndu bu ogerenya ndu Jiu ono g'ephe gude kpukwaa ulo Chileke ono su: G'a pfu-dzukotaje ndu ono ugwo, ephe gude eme k'ulo ono rengurengu. Eka ee-shi pfua phe iya bu l'ulo eku ndu eze; mbu shita l'utu, ndu bu l'azu enyimu turu; oo ya bu g'o to du iphe, a-kposhi ozi ono akposhi. 9Iphe, bu iphe, mkpa iya duru phe; g'a nujekwa phe iya; du g'unwu oke-eswi; me ebili; m'o bu nwaturu, ee-gude egwe ngweja-akpo-oku nu Chileke k'imigwe; me witi; me unu; me mee; me manu; mbu egube ono, ndu-uke Chileke le Jierusalemu sukpoerupho g'a nu phe be aa-nukotajekwa phe mboku-mboku; g'a ba hakwa phe iya anunu; 10k'opfu ephe e-gwe ngweja, du ree nu Chileke k'imigwe; pfukwarupho nu iya g'o kebe eze l'oma; yee unwu iya.

11“Ozo bu le mu atukwapho ekemu su l'onye gbanweru opfu mu ono be aa-phota itso, gude ulo iya nanu; gude tsebe onye obu etsebe; teme l'e mee ulo iya obu g'o buru ikpozu. 12Ge Chileke ono, bu iya hotaru aka ono g'o buru aka oo-buru eburu ono mebyikwaa iphe, bu ndu eze; waa iphe, bu ndu e-me g'ephe gbanwee opfu-a; ozoo machia aka g'ephe mebyia ulo

Chileke-a, dū lẹ Jierúsalemú. Ọo mbẹdua, bụ eze, bụ Dariyọsu bẹ tūru ekemu-a. G'unu doo ẹnya lẹ mini mee iphe, ekemu-a pfuru.”

Eeye eze-ulo Chileke ono l'ẹka Chileke

¹³Tobudu iya bụ; Tatenayi, bụ ọchi-ọha lazú ẹnymu; mẹ Sheta-Bozenayi; mẹ ndu ẹphe l'ẹphe aswije; bya emee iphe ono, eze, bụ Dariyọsu sūru g'ẹ mee ono ẹgwegwa. ¹⁴Ọo ya bụ; ndu bụ ọgerenya ndu Jiu ono nọdu akpū ụlo ono eje l'iphu l'iphu shita l'opfu Chileke, Hagayi, bụ onye mpfuchiru Chileke yẹle Zekaraya, bụ nwa Ido epfu. Ẹphe kpua ụlo ono jasū ẹphe kpū-ghee ya ọ dū gẹ Chileke kẹ Ízurelú sūru g'ẹphe kpua ya g'ọ dū; mẹ l'uzo Sayirosu; mẹ Dariyọsu; mẹ Atakuzakuzẹsu, bụ ndu eze Peshiya tūru phẹ ekemu iya. ¹⁵Ẹphe kpua ụlo ono kpū-ghee l'abalí k'ẹto l'ime ọnwa Ada; l'apha, kwe eze Dariyọsu apha ishii, ọ watarū aburu eze.

¹⁶Tobudu iya bụ; ndu Ízurelú; mbụ ndu-uke Chileke; mẹ ndu Lívayi; mẹwaro ndu ono, e shi kpua lẹ ndzū ono tuko g'ẹphe ha gude ẹhu-utso, bọo iphe; woru ụlo ono ye Chileke l'ẹka. ¹⁷Ẹphe gude ụkporo oke-eswi ise; mẹ ụkporo ebili iri; mẹ unu unwu aturu gwee ngweja, ẹphe gude yee ụlo Chileke ono l'ẹka Chileke. Ẹphe gude mkpi iri l'ẹbo gwee ngweja-iphe-ẹji l'iswi ẹhu ndu Ízurelú l'ophu. Mkpi iri l'ẹbo ono nọ-chiru ẹnya ipfu iri l'ẹbo, Ízurelú nweru. ¹⁸Ẹphe bya edobe ndu-uke Chileke l'ogiri l'ogiri; dobe ndu Lívayi l'ogbo l'ogbo phẹ g'ẹphe a-nọdu eje ozi Chileke lẹ Jierúsalemú; ẹgube e deru iya l'ẹkwo Mósísu.

Ọbo Ojẹghata

¹⁹O rwua l'abalí k'iri l'ẹno l'ime ọnwa mbụ; ndu ono, e shi kpua lẹ ndzū ono bọo ọbo Ojẹghata. ²⁰Ndu uke Chileke; mẹ ndu Lívayi bẹ a sachakotaru; ẹphe tuko g'ẹphe ha buru ndu mmerwu adudu l'ẹhu. Ndu Lívayi gbua nwaturu ọbo Oje-aghata l'iswi ẹhu ndu ono, e shi kpua lẹ ndzū ono; bya egbudoru iya unwunna phẹ ono, bụ ndu-uke Chileke; bya egbudokwaru iya phọ onwophe. ²¹Ọo ya bụ; ndu Ízurelú ono, e shi kpua lẹ ndzū ono, lwaru nū ono tuko ria ya; mẹwaro ndu ono, woru onwophe dobe iche l'urwuali ono, ndu ta amadu Chileke l'alí ono emegbabe; shi nno abaru Chipfu, bụ Chileke kẹ Ízurelú ẹja. ²²Abalı ẹsaa bẹ ẹphe gude ẹhu-utso bọo Ọbo-iphe aatajẹ buredi ekoduru ekoko; kẹle Chipfu bẹ meru g'ẹhu tso phẹ utso shii; bya emee g'eze ndu Asiriya kporu obu yeru phẹ; k'ophu bụ l'o meru g'ẹka shihu phẹ ike l'akpū ụlo Chileke ono, bụ Chileke kẹ Ízurelú.

Ndu Ezura du lwa Jierúsalemú

7 ¹Tobudu iya bụ; abya anọo gbiriri jeye teke Atakuzakuzẹsu watarū abụ eze ndu Peshiya; Ezura gbalihu alala. Ezura ono bụ nwa Seraya; Seraya buru nwa Azaríya; Azaríya buru nwa Hilikaya; ²Hilikaya buru nwa Shalumu; Shalumu buru nwa Zadọku; Zadọku buru nwa Ahitubu;

³Ahitubu buru nwa Amaraya; Amariya buru nwa Azariya; Azariya buru nwa Merayotu; ⁴Merayotu buru nwa Zerahaya; Zerahaya buru nwa Uzi; Uzi buru nwa Buki; ⁵Buki buru nwa Abishuwa; Abishuwa buru nwa Finehasu; Finehasu buru nwa Eleyaza; Eleyaza buru nwa Erõnu. Erõnu buru onye-ishi ndu-uke Chileke.

⁶Ò buru Ezura ono gbalihuru shi lẹ Bábilonu lwatashia. Ezura ono bu onye ede ekwo; bya aburu onye k'ekemu Mosisu doru enya rengurengu; mbu ekemu, Chipfu, bu Chileke ke Izurelu turu. Eze mekotaru iya iphemiphe, o rworu iya g'o meuru iya; kele aka Chipfu, bu Chileke iya du iya l'ehu. ⁷Ò dukwarupho ndu Izurelu, lwakwarupho Jierusalemu teke ono; mbu l'apha, kwe eze, bu Atakuzakuzesu apha esaa, o wataru aburu eze. Ndu uke Chileke hakwarupho yiru iya; me ndu Lívayi; me ndu aguje ebvu; me ndu echeje onu-oguzo nche; me ndu eje ozi l'eze-ulo Chileke. ⁸Ezura l'onwiya be jerwuru Jierusalemu lonwa k'ise, bukwapo apha, kwe eze apha esaa l'abu eze iya. ⁹O shi lẹ Bábilonu gbeshi ije iya gonwa mbu du l'abali mbu; rwua Jierusalemu gonwa ise du l'abali mbu; noo kele aka-oma ke Chipfu, bu Chileke iya be du iya l'ehu. ¹⁰Noo kele Ezura be ziberu obu iya g'o nwuta ekemu Chipfu; mekwapho iphe, o pfuru; me g'o zia iphe, Chipfu toru okpa iya; me nso iya l'ali Izurelu.

Ekwo-ozì, eze, bu Atakuzakuzesu deru nu Ezura

¹¹Òwaa bu iphe, e deru l'ekwo-ozì, eze, bu Atakuzakuzesu nuru Ezura, bu onye uke Chileke; buru onye edeje ekwo; mbu onye iphe, Chipfu turu l'ekemu; me iphe, o toru ndu Izurelu okpa iya doru enya:

¹²“Ekwo-ozì-a be shi l'eka mube eze, bu Atakuzakuzesu, bu onye eze ka ndu eze. Onye mu ede iya anu bu Ezura, bu onye uke Chileke; buru onye edeje ekwo k'ekemu Chileke k'imigwe.

“Mu ekele ngu ekele.

¹³“Mu turu ekemu dee ya edede su l'iphe, bu onye Izurelu, no l'ali-eze mu; mekpoo ndu-uke Chileke; me ndu Lívayi, bu onye oogu ala Jierusalemu; g'onye obu tsokwaru ngu lashia. ¹⁴Mube eze; me umadzu esaa, l'agbazijeru mu idzu be ezi unu g'unu je amaru gonodu du lẹ Jiuda; me lẹ Jierusalemu; unu amaru g'e gude emebe ekemu Chileke unu l'eka ono, bu iya bu ekemu ono, no unu l'eka ono. ¹⁵Iphe ozo, unu e-mefua bu g'unu chita mkpola-ochaa; me mkpola-ododo ono, mube eze; me ndu ono, agbazijeru mu idzu ono gude obu anyi nu Chileke ke Izurelu; bu onye ono, bu ebubu lẹ Jierusalemu. ¹⁶Unu achitafua mkpola-ochaa; me mkpola-ododo, unu a-nata lẹ Bábilonu l'ophu yekobe iya; mefua iphe ndu Izurelu; me ndu-uke Chileke e-gude obu phe nu g'e gude mee k'ulo Chileke phe obu lẹ Jierusalemu.

¹⁷“Unu huma l'unu gudefutaje okpoga ono zuta oke-eswi; me ebili; me nwaturu, unu e-gude gwee ngweja; yele ngweja-nri, etsoje iya nu; me

ngweja iphe-angungu, l'etsojekwa iya pho. Unu e-gwe ngweja ono l'eli enya eka eegweje ngweja l'ulo Chileke unu le Jierusalemu. ¹⁸A bya le mkpola-ochaa; me mkpola-ododo ophu phoduru nu; ge gube Ezura; me ndu Jiu ophuna gude iya mee iphe, du unu ree l'uzo, o bu uche Chileke unu. ¹⁹Iphemiphe, a nukotaru unu g'unu gude jeje ozi l'ulo Chileke unu ono be unu e-gweshikota dobe l'iphe Chileke le Jierusalemu. ²⁰Iphe ozo, du unu mkpa, bu iphe unu ee-gude eme k'ulo Chileke unu ono; o -buru iphe, unu nufutaje; unu eshi l'ulo eku eze wota iya nu.

²¹“Nta be mbedua, bu eze Atakuzakuzesu atu ekemu ede iya edede anu iphe, bu ndu akwakobeje okpoga l'azu enyimu azu iya ophu su: Iphe, bu iphe Ezura, bu onye uke Chileke; bya aburu onye edeje ekwo k'ekemu Chileke k'imigwe suru g'unu nu iya; unu nukewa iya iphe o bu. ²²Je akpaa lokpoga mkpola-ochaa, du ukporo ise; me ogbongu witi, du ukporo ise; me ite-mee, du ukporo ise; me ekpemu manu, du ukporo ise; me unu; ole unu b'a ta sudu lo waa g'oo-jeberu. ²³Iphe, Chileke k'imigwe turu lekemu; ge mekwaa ya rengurengu; mbu iphe, a turu lekemu ge mee l'ulo Chileke k'imigwe; a -nonyanu oke ehu-eghu iya dapfuta ali-eze iya; yee k'unwu iya. ²⁴Ozo bu l'anyi emekwapho g'o doo unu enya la dachiwaru unu anata utu-ali; me utu-aswa; me utu-uzo leka ndu-uke Chileke; me leka ndu Livayi; me leka ndu aguje ebvu; me leka ndu echeje onu-oguzo nche; me leka ndu eje ozi leze-ulo Chileke; me leka ndu ozo, ejekpo ozi l'ulo Chileke.

²⁵“Ge gube Ezura gude mmamiphe, Chileke ngu nuru ngu gude hota ndu-ikpe; me ndu a-noduje edoshi opfu g'ephe kpeje ikpe, pfuru oto l'opfu ehu iphe, bukpo ndu bu l'azu enyimu; mbu iphe, bukpo ndu maru ekemu Chileke ngu. Unu eworu ekemu ono zia ndu amadu ekemu g'ephe maru iya. ²⁶Iphe, bu onye jikaru eme iphe, ekemu Chileke ngu pfuru; me iphe, ekemu eze pfuru; ge kpee onye obu ikpe, shihuru ike; ge kpee ya mpfugbu; ozoo l'achifu onye obu achifu; ozoo le gweta iphe, o nweru; ozoo la tua ya mkporo.”

Ezura etu Chileke epha

²⁷G'ajaja buru ke Chipfu; mbu Chileke ke nna anyi phe; onye meru gegube iphe owa du eze l'obu ke g'o mee g'ulo Chipfu ono, du le Jierusalemu buru eka du ubvu. ²⁸Yebe onye meru ge n-yemobu eze; me ke ndu anoduje agbaziru eze idzu rwube mu eka; me n-yemobu ke ndu bukpo ndu ike du, bu ndu-ozu eze. Obu be shihuru mu ike shii; noo kele eka Chileke be du mu lehu. O buru iya meru g'o gude mu du ike chikota ndu-ishi le Izurelu; epe tsoru mu; anyi lashia.

Epha ndu epe le Ezura swi lwa

8 ¹Owaa bu epha ndu bugbaa ishi l'onu-ulo nna phe; temanu owa-a buru ekwo, e deshuru epha phe ge gude nwua phe; mbu ndu ono, mu lephe shi le Babilonu swiru lwa teke Atakuzakuzesu bu eze:

- 2 Onye-ishi ndu oshilokpa
 Finehasu bu Geshomu.
 Onye-ishi ndu oshilokpa
 Itama buru Danelu.
 Onye-ishi ndu Nwa Dévidi
 buru Hatushi,
- 3 bu nwa Shekanaya.
 Onye-ishi ndu oshilokpa
 Paroshi bu Zekaraya.
 Ndu ephe l'iya swi,
 bukwanu ndu e deru lekwo,
 e deshuru g'e gude nwua phe
 du unwoke ukporo esaa l'iri.
- 4 Onye-ishi ndu oshilokpa
 Pahatu-Mowabu bu
 Eliyowenayi nwa Zerahaya.
 Ndu ephe l'iya swi du
 unwoke ukporo iri.
- 5 Onye-ishi ndu oshilokpa
 Zatu bu Shekanaya nwa
 Jiahazyelu. Ndu ephe l'iya
 swi du unwoke ukporo
 iri l'ise.
- 6 Onye-ishi ndu oshilokpa
 Adinu bu Ebedu nwa
 Jionatanu. Ndu ephe l'iya
 swi du unwoke ukporo
 labo l'iri.
- 7 Onye-ishi ndu oshilokpa
 Elamu bu Jieshaya nwa
 Atalaya. Ndu ephe l'iya
 swi du unwoke ukporo
 eto l'iri.
- 8 Onye-ishi ndu oshilokpa
 Shefataya bu Zebadaya
 nwa Mayikelu. Ndu ephe
 l'iya swi du unwoke
 ukporo eno.
- 9 Onye-ishi ndu oshilokpa
 Jiowabu bu Obedaya nwa
 Jiehiyelu. Ndu ephe l'iya
 swi du unwoke ukporo iri

l'unwoke iri l'eshato.

- 10 Onye-ishi ndu oshilokpa
Bani bu Shelomiti nwa
Jiosifaya. Ndu ephe l'iya
swi du unwoke ukporo
eshato.
- 11 Onye-ishi ndu oshilokpa
Bebayi bu Zekaraya nwa
Bebayi. Ndu ephe l'iya swi
du unwoke ukporo l'eshato.
- 12 Onye-ishi ndu oshilokpa
Azugadu bu Jiohananu
nwa Hakatanu. Ndu ephe
l'iya swi du unwoke ukporo
ise l'unwoke iri.
- 13 Onye-ishi ndu oshilokpa
Adonikamu be bu phe
byakpechaaru azu. Epha
phe bu Elifeletu; me Jiyuwelu;
me Shemaya. Ndu ephe l'ephe
swi du unwoke ukporo eto.
- 14 Onye-ishi ndu shilokpa
Biguvayi bu Utayi; me
Zaku. Ndu ephe l'ephe swi
du unwoke ukporo eto
l'unwoke iri.

Ezura Achọ ndu a-nọdu eje ozi l'eze ụlo Chileke

15 Mu bya achikobe phe laguga enyimu ono, laso ala Ahava. Anyi kpo-
be ulo-ekwa anyi l'eka ono noo ujiku eto. Mu bya elekota enya le ndu ono
g'ephe ha; me ndu-uke Chileke; huma lo to dudu m'onye Lívayi, no l'eka
ono. 16 Tobudu iya bu; mu zia g'e je ekua Eliyęza; me Ariyelu; me Shema-
ya; me Elnatanu; me Jiaribu; me Elnatanu; me Nętanu; me Zekaraya;
me Meshulamu, bu ndu-ishi. Mu kukwapho Jioyaribu; me Elnatanu, bu
ndu iphe edoje enya. 17 O buru Ido, bu onye-ishi phe le mkpukpu Kasifiya
be mu ziru phe g'ephe jepfu. Mu karu phe iphe, ephe e-pfuru Ido; me ndu
nkiya phe; mbu ndu ono, leje ozi l'eze-ulo, du le Kasifiya l'eka ono; g'ephe
zia ndu a-byapfuta anyi bya eje ozi l'ulo Chileke anyi.

18 O buru loo le Chileke doberu anyi eka oma iya l'ehu meru g'o gude
ephe dutaru anyi onye iphe edoje enya; mbu oshilokpa Mahuli, epha iya
bu Sherebaya. Mahuli bu nwa Lívayi; Lívayi buru nwa ke Izurelu. Unwu
Sherabaya; me ndibe phe be du iri l'eshato. 19 Ndu ozo bu Hashabaya; me

Jieshaya, bu oshilokpa Merari. Ndibe phe me unwune iya k'unwoke be du ukporo. ²⁰Ndu ozo, ephe dutafuaru le ndu eje ozi leze-ulo ono du ukporo iri le nanu. Ndu ono bu ndu Dévidi; yeke ndu-ishi ozi iya hotaru g'ephe yetajeru ndu Lívayi eka. Ndu ono g'ephe ha be e deshikotaru epha phe lekwo.

Aswi egu epfu anu Chileke

²¹Tobudu iya bu; mu bya araa ya arara su g'a swia egu leka ono; mbu lenyimu Ahava ono. K'ophu anyi e-shi nno wozeta onwanyi ali l'atatiphu Chileke anyi; rwo ya go duru anyi l'unwegirima anyi; me ivu anyi shia uzo ophu ka ree. ²²Kele iphere du mu ke ge mu jepfu eze je arwo ya go yeru anyi ikpoto ndu ojogu; me ndu agba l'inya g'ephe dua anyi l'uzo m'obvu ndu ohogu. Eshi ophu anyi gudewaa onu anyi su eze: "Eka-oma Chileke anyi be aduje lehu ndu bukpo, ndu achu iya nu g'ee-shi go duru phe le ree. Ole okpehu iya; me oke ehueghu iya be aduje lehu iphemiphe bu ndu jikaru iya nu." ²³Oo ya bu; anyi swia egu rwo Chileke anyi k'iphe ono. O meeru anyi iphe, anyi suru go meeru anyi.

Iphe, a nuru g'e gude mee iphe leze-ulo Chileke

²⁴Tobudu iya bu; mu woru umadzu iri lebo pho, bu ndu-ishi ndu-ishi-uke Chileke dobe iche; mbu Sherebaya; me Hashabaya; mewaro ndibe phe umadzu iri ophuna. ²⁵Mu bya atukota erwa mkpola-ochaa; me mkpola-ododo; me ivu; mekpoo iphemiphe, ndu eze; me ndu-uke Chileke; me ndu l'agbazijeru eze idzu; me ndu o meru ishi; me ndu Izurelu l'ophu, no leka ono nuru g'e gude eje ozi l'ulo Chileke. ²⁶Mu tua erwa iphe ono goshi phe. Iphe, erwa mkpola-ochaa du buru unu talentu l'ukporo talentu iri lebo le talentu iri; ivu, e meru le mkpola-ochaa be erwa iya du ukporo talentu ise. Erwa ke mkpola-ododo du ukporo talentu ise. ²⁷Iphe ozo bu gbamugbam, e meru le mkpola-ododo, dataru unu dariku labo l'ukporo iri; me ivu labo, e meru l'okpobe onyirubvu, eke ododo ododo, vukwapho onu aswa ge ke mkpola-ododo.

²⁸Mu su phe: Unu duru Chipfu nso; onokwapho g'ivu-a go ha dukotaru iya nso bu ono. Mkpola-ochaa; me mkpola-ododo ono bu iphe, ndiphe turu obu phe onyo nu Chipfu, bu Chileke ke nna unu phe. ²⁹Unu letakwa phe enya ree jeye teke unu a-tu erwa iya l'atatiphu ndu-ishi ndu-uke Chileke; me ndu-ishi ndu Lívayi; me ndu-ishi l'onu-ulo nna phe le Izurelu. O buru l'ime mkpuru, duchaa l'ulo Chileke le Jierusalemu be unu a-nodu tua erwa iphe ono goshi phe. ³⁰Oo ya bu; ndu-uke Chileke chita mkpola-ochaa ono; me mkpola-ododo ono; me ivu ono, a tuwaru erwa iya atutu ono; gude jeshia l'ulo Chileke anyi le Jierusalemu.

³¹Tobudu iya bu; o rwua g'onwa mbu du l'abali iri lebo; anyi shi lenyimu Ahava gbalihu jeshia Jierusalemu. Eka Chileke anyi du anyi lehu; o

shi nno nafuta anyi l'eka ndu ohogu; me l'eka ndu ana nfu, kwakachaaru anyi l'uzo. ³²Anyi rwua Jierusalemu bya anoo ujiku eto l'eka ono. ³³O be mboku k'eno iya; anyi nodu l'ulo Chileke tua erwa mkpola-ochaa; me mkpola-ododo; me ivu ozo, du nso; woru ye l'eka Meremotu, bu nwa Uraya, bu onye uke Chileke. Eleyaza nwa Finehasu be yee ya nogbabe. Ndu tso phe nodu l'eka ono bu ndu Lívayi; me Jiozabadu nwa Jieshuwa; me Nowadaya nwa Binuyi. ³⁴Iphemiphe ono be a guru ogu; tua erwa iya atutu; bya edeshikota erwa iya ono lekwo teke ono.

³⁵Ozo bu le ndu ono, e shi kpa le ndzu ono; mbu ndu ono, shi l'eka ono, e shi kpa phe le ndzu lwa ono be gweru ngweja-akpo-oku nu Chileke ke Izurelu. Ephe gburu oke-eswi iri l'ebo l'ehu ndu Izurelu l'ophu; gbua ebili ukporo eno l'iri l'ishii; me unwu aturu ukporo eto l'iri lesaa; bya egbua mkpi iri l'ebo, e gude gwee ngweja-iphe-eji. Ngweja ono go ha be a kpokotaru oku nu Chipfu. ³⁶Ephe zia ozi ono, eze ziru ndu no-chiru enya eze; me ndu bu ochi-oha; lazú enyimu azu iya ophuu. Ndu ono bya eyeru ndu Jiu ono eka; yetakwapho eka lakpu ulo Chileke ono.

Ezura epfu anu Chileke ke ndu Jiu, alu nwanyi eghirigha

9 ¹E mechaepho iphemiphe ono; ndu-ishi byapfutashia mu bya asu mu: “Ndu Izurelu je akpaa le ndu-uke Chileke; me ndu Lívayi be jikakwaru edobe onwophe iche l'eka ndu ali-a no; ephe tsoakwaru eyephe eka lakpamara, ndu ali-a lanoduje emegbabe; mbu ndu Kénanu; me ndu Hetu; me ndu Pérezu; me Jiebusu; me ndu Amonu; me ndu Mówabu; me ndu Ijiputu; me ndu Amoru. ²Ephe watawaru aluta unwada ndu ali-a k'onwophe; bya alutakwaru phe pho unwu phe; k'ophu bu le ndu ono, du nso ono be watawaru onwophe tugbabe l'ehu ndu ali-a. O buru ndu-ishi; me iphe, bu ndu no l'oke okwa be eka phe kangoru l'eme ejo-iphe ono.”

³Mu numaeppo iphe ono; mu lajashia uwe mu; lajashia uwe mgbalanu mu; mu pheta onwomu egbushi l'ishi; pheta eji lagba; bya anoo-zeta anoo; edzu nodu eswi mu l'ehu. ⁴Tobudu iya bu; iphe, bukpo ndu ndzu guhuru l'eka ephe numaru opfu, o pfuru mbu Chileke ke Izurelu le k'emeswe ono, ndu ono, a kpuru le ndzu pho, lwaru nu pho mesweru ono; bya egbuphe mu mgburugburu; mu nodu ge mu no jeye teke eegweje eja uzenyashi; edzu nodu eswi mu pho l'ehu.

⁵O beepho legwe eja uzenyashi ono; mu shi lenyoru, mu gworu gbalihu; yele uwe mu pho, mu lajashiru pho; me uwe mgbalanu mu pho, mu lajashiru pho; bya ephureta gbushi ikpere l'ali chiliaru Chipfu, bu Chileke mu eka mu labo imeli; ⁶pfuru nu iya su: “Gube Chileke nkemu; iphere du mu; teme ehú rwuhukwa mu pho ge mu e-shi palia enya lee gube Chileke mu; iphe, kparu iya nu buru lejo-iphe, anyi eme be kawa anyi leli; temanu ikpe, nmaru anyi ruwaa imigwe. ⁷E-shi teke nna anyi phe no; rwua ntanu-a be ikpe, paru eka nmaakwaru anyi. O buru ejo-iphe, anyi

emegbabẹ bẹ meru g'o gude e woru anyịbedua; mẹ ndu eze anyi phe; mẹ ndu-uke Chileke anyi phe ye ndu eze ndu alị-a l'ẹka ephe gude ogu-echi gbushia anyi; kpukoo anyi lẹ ndzu; kwaa iphe anyi l'okwata; ephe nọdu eme anyi iphe-iphere egube ono, ephe eme iya anyi ntau-a. ⁸Ole kẹ nwan-ta bẹ gube Chipfu, bu Chileke mewaru anyi iphe-oma; kele i meru anyi nweru nwa ndu ophu, phoduru nu; bya emee g'anyi nguru anguru l'eka-a, duru ngu nso-a; k'ophu bu lẹ gube Chileke anyi e-me g'anya sahu anyi; bya emekwapho g'anyi shi l'abu ohu, anyi bu-a jakerehu. ⁹Anyi shi buru ndu ohu; ole gube Chileke ta ahaduru anyi g'anyi kwawaroo ya l'abu ohu ono. I goshiru l'iphuru anyi obu-imemini l'ataphu ndu eze ndu Peshiya; i meru anyi jakerehu; shi nno mee g'anyi kpukwaaru gube Chileke anyi ulo ngu; mẹ g'anyi kpukwachaa aka o mebyishihuru; teme i mee g'anyi nweru igbulo lẹ Jiuda mẹ lẹ Jierusalemu.

¹⁰“Gube Chileke anyi; ?bu gunu bẹ anyi e-pfu mẹ e -mechaa; kele anyi gwobewaru eme ekemu ngu ono. ¹¹Mbu ekemu ono, i turu shita l'eka ndu-ozu ngu ono, bu ndu mpfuchiru su: ‘Alị ono, unu eje eburu ono bẹ bu alị, ndu bu iya nu pharwushiru apharwushi. O buru akpamara, ephe eme; yele ahuma ahuma bẹ jiru alị ono shita l'ishi iya lanu rwua l'ishi iya ophu. ¹²Oo ya bu; g'unu b'e wokwaru unwada unu kee unwu phe unwoke; ophu unu alutakwa unwada nkephe duru nu unwu unu unwoke. Unu l'ephe ba anodukwa lẹ nchi-adu-doo; ozoo g'unu choo iphe a-nodu ejehuru phe nu; k'ophu unu e-shihu ike; ria iphe-oma, shi l'alị ono; unu eme g'o buru okiphe unwu unu jasuru l'ojejeje ono.’ ¹³Iphe, nwuru anyi buru l'ejo-iphē, anyi meru; mẹ l'ikpe, nmaru anyi ono bẹ o shi. Ole iphe, du eji, anyi meru bẹ ka shii eme l'ahuhù gube Chileke anyi huru anyi; temanu i mee g'anyi nweru nwa ndu owana, phoduru nu-a. ¹⁴?O gbaru g'anyi mebyibaa ekemu ngu ozo; kẹ g'anyi lẹ ndu ono, eme akpamara ono kegbajeru nwan-yi ozo? ?Anyi te emedu ehu eghua ngu eghu ghumihu k'ophu ii-me anyi alakota l'iyi k'ophu o to duedu onye aphodu nu; ophu o duedu onye anahù nu? ¹⁵Gube Chipfu, bu Chileke kẹ Izurelu; i bu onye pfuberekoto; kele anyi nweru nwa ndu ophu phoduru nu ntau-a; mbu nwa ndu ophu nahuru nu. Huma g'anyi pfuru l'iphu ngu buru ndu-ikpe nmaru; mbu l'o meru ophu o to dudu onye a-du ike pfuru l'ataphu ngu.”

Ndu Jiu akoshiru Chileke iphe-eji phe

10 ¹Gẹ Ezura epfu anu Chileke; akoshiru Chileke iphe, du eji, ephe megbaberu; ara ekwa; echi onwiya gbaagbaa l'alị l'ataphu ulo Chileke; ndu Izurelu zefuta igwerigwe wu-pfuta iya; unwoke; mẹ unwan-yi; mẹ unwegirima; ephebedua nodu arakwapho ekwa nkephe arashi iya ike. ²Shekanaya, bu nwa Jiehiyelu; onye lanu l'ime ndu shi l'eri Elamu bya epfuru nu Ezura su iya: “Anyi meakwaru gẹ Chileke anyi te egudehe ire anyi aka; noo kele anyi jeru je alushia unwanyi ndu ohozo; mbu

unwanyi ndu ali-a. Ole g'ò dūhabe bē ndu Ízurelu dūlekwarua iphe, ephe a-nòdu ele enya iya. ³Oo ya bụ; g'anyi lē Chileke anyi gbanaa ndzụ; l'anyi l'a-chìshikota unwanyi ono, anyi lūshiru ono; mē unwegirima, ephe nwūshiru, bụ iya bụ egube ono nnajūphu mu chīru idzu iya; mē ndu ono, anòduje atsu ekemu Chileke anyi ebvu ono. Ozo bụ l'anyi e-me iya g'ekemu pfuru. ⁴Gbalihu; ọ kwa ngu bē opfu-a dū l'eka; anyībedua bē aapfukwaru ngu-a l'azụ. Shihu obu ike mee ya.”

⁵Oo ya bụ; Ezura gbalihu; bya emee gē ndu-ishi ndu-uke Chileke; mē ndu Lívayi; mē ndu Ízurelu l'ophu ribua nte l'ephe e-me iphe ono g'e pfuru iya. Ephe tūko g'ephe ha ria nte ono. ⁶Noo ya; Ezura bya alūfu l'atatiphu ụlo Chileke ono; tūgbua ọ bụru iya eje l'ụlo Jiehohananu nwa Elyashibu. O rwua eka ono; ọ jika eri nri; jika anḡu mini; kele ọogukwadu aphū lē ndu ono, e shi kpua lē ndzụ ono bē e te gudedu ire phe eka.

⁷A bya atūko Jiuda; mē Jierúsalemu l'ophu raa ya arara gē ndu ono, e shi kpua lē ndzụ ono tūko dzukōta lē Jierúsalemu. ⁸L'iphe, bụ onye ta abyaduru l'ime abalī ẹto iya bē ee-gwe ivu iya; chīfu onye obu g'ò bọ yīhe l'ogbo, e shi kpua lē ndzụ. Ọ bụru gē ndu-ishi; mē ndu bụ ọgerenya chīru idzu iya bụ ono.

⁹Tōbudu iya bụ; unwoke ndu Jiuda mē ndu kē Benjiaminu tūko g'ephe ha dzukōta lē Jierúsalemu l'ime abalī ẹto ono. Mbōku ono bụ mbōku onwa kē tete dū l'ukporo abalī. Ndu ono g'ephe ha nòdugbaa l'oma etsuzo l'atatiphu ụlo Chileke l'eka ono. Iphe ono; yē eze mini ono, edze nū ono mee; ehu nòdu etegbaa phe etete. ¹⁰Ezura, bụ onye uke Chileke gbalihu sū phe: “Unu mewaru; ophu egudedu ire unu eka; kele unu lūshiru unwanyi ndu ọhozo; shi nno mee g'ikpe kaba anma unubē ndu Ízurelu. ¹¹Oo ya bụ; unu tūko iphe-aji, unu meru kōshiaru Chipfu, bụ Chileke kē nna unu phe; unu awata eme iphe, dū iya ree. Unu bufu onwunu l'eka ndu ali-a nō; mē l'eka unwanyi ndu ọhozo ono, unu lūshiru ono nō.”

¹²Ndu ono, dzukōberu l'eka ono tūa ụzu sū: “O kpōephe iphe, i pfuru bē anyi e-me. ¹³Obenu lē ndu kuru l'eka-a parū igwerigwe; tēme ọ bụru udzumini; k'ophu anyi taa apfukotaduru l'etezi. Ozo bụ l'iphe-a ta abūdu iphe, ee-mekōta ujiku lanū; ọzoo ujiku labo; noo kele iphe ono mewaru anyi meswewa shingushingu. ¹⁴Gē ndu-ishi igwe-oha-a pfunuru; g'iphe, bupoo ndu ndu-anyi lē mkpukpu lē mkpukpu, bụ ndu luru unwanyi ndu ọhozo; byakōta l'iphe phe; g'ephe byajē mbōku, a sūru g'ephe bya. Ephe -nòdu abya; ephe lē ndu ọgerenya lē mkpukpu lē mkpukpu aswijeru; mē-kwapho ndu-ikpe; jeye teke Chileke e-wofu oke ehu-eghu iya ono, l'enwu g'oku l'ehu anyi ono.” ¹⁵Ọ buerupho Jionatanu nwa Asahelu; yēle Jiazaya nwa Tikuva kpoloko bē bụ ndu jīkaru iphe ono, e pfuru ono. Meshulam; mē Shabetayi nòdu agba eyeru phe.

¹⁶Ndu ono, e shi kpua lē ndzụ ono, lwarū nū ono mee iphe ono, e pfuru ono. Ezura, bụ onye uke Chileke hōta unwoke, bụ ndu-ishi l'onu-ulo nna

phe; deshia epha phe l'ekwo. O hōta phe g'ōnu-ulo phe hakōta. O beepho l'abalī mbū l'ōnwa k'iri; epe nōdu pfushia opfu ono. ¹⁷O buru g'ōnwa ke mbū dū l'abalī mbū bē epe pfugheru opfu ehu ndu ono, luru unwanyi ndu ohozo ono.

Unwoke, luru unwanyi ndu ohozo

¹⁸A -bya l'echilabō ndu-uke Chileke bē bū ndu owa-a luru unwanyi ndu ohozo ono: Ndu shi l'eri Jieshuwa nwa Jiozadaku; yēe unwune iya ke nwoke, luru unwanyi ndu ohozo ono bū: Maseya; mē Eliyéza; mē Jiaribu; mē Gedalaya. ¹⁹Ndu ono g'ēphe ha bē tūkoru kweta ukwe l'ēphe a-chi-shikota unyomu phe ono, epe luru l'ohozo ono. Onyenōnu l'ime phe shi l'igwe-aturu iya kpūta ebili lanū nū g'e gude gwee ngweja-apfu-ugwo.

²⁰Ndu shi l'eri Ima, luru phe nū bū: Hanani; mē Zebadaya.

²¹Ndu shi l'eri Harimu, luru phe nū bū: Maseya; mē Elayijia; mē She-maya; mē Jiehiyelū; mē Uzāya.

²²Ndu shi l'eri Pashō, luru phe nū bū: Eliyowenayi; mē Maseya; mē Ishimelū; mē Netanelū; mē Jiozabadu; mē Eleyasa.

²³A bya lē ndu Lívayi; ndu luru unwanyi ndu ohozo bū: Jiozabadu; mē Shimeyi; mē Kelaya, bukwapo onye eekuje Kelita; mē Petahaya; mē Jiu-da; mē Eliyéza.

²⁴A bya lē ndu aguje ebvu bē bū Eliyashibu bū onye luru nwanyi ndu ohozo.

Lē ndu nche-ōnu-oguzo buru Shalumu; mē Telemu; mē Uri bū ndu luru unwanyi ndu ohozo.

²⁵A bya lē ndu Ízurelū ozo, luru unwanyi ohozo ono:

Ndu shi l'eri Paroshi, luru phe nū bū: Ramaya; mē Izaya; mē Malukayijia; mē Mijiaminu; mē Eleyaza; mē Hashabaya; mē Benaya.

²⁶Ndu shi l'eri Elamu, luru phe nū bū: Matanaya; mē Zekaraya; mē Jiehiyelū; mē Abudi; mē Jieremotu; mē Elayijia.

²⁷Ndu shi l'eri Zatu, luru phe nū bū: Eliyowenayi; mē Eliyashibu; mē Matanaya; mē Jieremotu; mē Zabadu; mē Azayiza.

²⁸Ndu shi l'eri Bebayi, luru phe nū bū: Jiehohananu; mē Hananaya; mē Zabayi; mē Atulayi.

²⁹Ndu shi l'eri Bani, luru phe nū bū: Meshulamu; mē Maluku; mē Adaya; mē Jiashubu; mē Sheyalu; mē Jieremotu.

³⁰Ndu shi l'eri Pahatu Mówabu, luru phe nū bū: Aduna; mē Kelalu; mē Benaya; mē Maseya; mē Matanaya; mē Bezalēlū; mē Binuyi; mē Manáse.

³¹Ndu shi l'eri Harimu, luru phe nū bū: Eliyéza; mē Ishaya; mē Malukayijia; mē Shemaya; mē Simiyōnu; ³²mē Benjiaminu; mē Maluku; mē Shemaraya.

³³Ndu shi l'eri Hashumu, luru phe nū bū: Matenayi; mē Matata; mē Zabadu; mē Elifeletu; mē Jieremayi; mē Manáse; mē Shimeyi.

³⁴Ndu shi l'eri Bani, luru phẹ nụ bụ: Madayi; me Amuramu; me Uwele;
³⁵me Benaya; me Bedeya; me Keluhi; ³⁶me Vanaya; me Meremotu; me
 Eliyashibu; ³⁷me Matanaya; me Matenayi; me Jiasu.

³⁸Ndu shi l'eri Binuyi, luru phẹ nụ bụ: Shimeyi; ³⁹me Shelemaya; me
 Nétanu; me Adaya; ⁴⁰me Makunadebaya; me Shashayi; me Sharayi; ⁴¹me
 Azarelu; me Shelemaya; me Shemaraya; ⁴²me Shalumu; me Amaraya; me
 Jióséfu.

⁴³Ndu shi l'eri Nebo, luru phẹ nụ bụ: Jieyelu; me Matitaya; me Zabadu;
 me Zebina; me Jiadayi; me Jiowelu; me Benaya.

⁴⁴Ndu ono g'ephe ha be shi lukota unwanyi ndu ohozo; mbu lo duru
 ndu ophu unwanyi ono shi yechawaru unwegirima.